



日本外史拾遺

十一

共十三

特別
95
6978
11



門 95
號 6978
卷 11

日本外史拾遺卷十一



江都岡部英晚香

開元寺重修落成甫招同禮佛觀日本國僧

百城寄方丈詩作

偶向青鸞溯赤鳥寺為赤鳥中燕國夫人陳氏建夫入為吳大帝乳母燕國之封當在張彌許

吳使遠東日也簡文碑石在精廬寺中石佛二背有維衛迦葉有海浮石像記石像衣製殊異當是海外佛寺像也地原燕國夫人宅壁有曇陽

仙子書殿後壁上有曇陽子十雙樹因緣觀自在寺為

庵僧懶堂九蓮經卷問何如寺有藏經軒閣為明萬歷

李太后奉佛所致經卷多中涓所造尾拜入者長崎遠寄僧伽筆應護天龍

長崎遠寄僧伽筆應護天龍



昭和二十九年
五月十日
購求

辟海魚

頤道堂詩選
卷二十二

書日本國僧百城寄開元寺方丈詩後

道光丙戌吳郡修復開元寺適海舶持歸日
本長崎島大德寺沙門百城詩一卷後題云
奉寄蘄州開元寺老大和尚並海衆高和其
詩云空寂清虛妙法身一阿本性息風輪花明
無著無心色真即歷然不變春其二云光照廣
空吞大空慈悲隨物乃西東安禪寥廓真
如殿理智非他我覺中其三云聞道開元清
淨寺從古皇恩布金田應真五百棲禪處空

海湛然教外傳其四云開出三千世界花本未
佛法動恆沙識空妙照禪心月放外浮雲一
大家詩有意致語見禪宗按日本僧宗天台智
者教宗派自唐時開元寺出積善庵僧修寺
落成此詩適至似亦彼法中海外因緣也

西方有佛南無佛白馬馱經開戒律日本國在東海
東亦解拈花參指月徐福闢地因求仙佛法破自
中唐年白龜調布作贊幣秘書侍子橫經傳國
僧派衍天台教大千海月禪心照吳門古刹舊開元
清淨棲禪識微妙寺中石佛衣制衣奇浮海云自西晉

時長者布金作功德新詩遠寄未長崎我聞佛法大
海水海外因緣捷如此天龍八部散天花我佛應知
歡喜又聞彼國山出銅市舶久與中華通寶書香象
善知識三願解慕中華風彼國有三願一願得圖書集
成一願得一象一願得一高
僧
汝慕華風知嚮義不皈依大皇帝不見天台之教
至今傳中吳依舊開元寺同上

蚌中七佛歌

琴鳴得蚌殼於真州楞伽院中有佛像七墳
起殼中袒腹蓮趺妙相完好洵異觀也為賦
此詩

潛園示我蚌中七佛之圖說屬我作為蚌中七佛之詩篇
是相非相非相一旦幻出清冷淵或是釋迦以前之七
佛偶然示現趺青蓮東坡居士寫經處夢中忽見光
明奉君於佛海頗深入波羅密證大願船昭明銅佛辨
香久文章妙入蕭梁前今年吳郡開元之古寺石佛
重證圓光圓維衛紫迦即是七佛中間老尊宿况
有海外大德遠寄之長牋君得七佛通此歲祇花忍州
皆因緣我聞蚌者蜃屬木水族乃靈毓秀乃證
天龍禪亦如藕絲芥子納世界中有阿修羅國須
彌顛因思瀛洲巨蜃紫雲吐璧尾湖老蜃珠光鮮倘

含佛性示佛像丈六定現金身全我作此詩即是七佛
偈應見散花天女寶花散徧華鬘曼天

同上

崇明懷古

長崎島控小流蚪竟使鯨鯨作隊遊東事舊聞平
秀吉西沙正對薩摩洲管輅史誰演三奇陣蝴蝶橫
飛万斛舟獨有唐衢能死國省哀涼殘碣墓門秋

明嘉

清中東倭犯境知

頭道堂詩

縣唐一史今戰死

選卷十四

瀛洲樂府

若日民兵 明嘉靖中倭寇之亂邑人施珽率眾
與戰屢勝號若日民兵卒以深入中伏死後諸生

顧國樊榘繼之亦稱若日民兵云

東倭入寇無堅城誰其破之若日民兵若日民兵誰所領
西沙義士有施珽戰城南死城北馬革裹屍烏啄肉
普救寺東建祠祀野老吞聲婦子哭同時樊顧皆
有聲所部亦號若日民兵

同上

花軀墮 王野塘妻熊氏寶山人從夫館崇

明崇明倭難作夫婦奔竄遇賊王被刃仆地熊
急以身衛賊執之欲相犯不屈而死王逾時而甦
事聞於官咸致賻奠備道任環弔以詩曰清血
流天地花軀墮甲兵野塘巖下士一日遂知名

野度名度

花軀隕甲兵清血流天地誰其賻者趙提學誰其旌
者尚御史倭寇未夫婦走衛夫以死熊烈婦前明
嘉靖歲癸丑任公作詩在人口黃絹幼婦外孫燕脚白
軀可隕名不朽 同上

和王仲昭海上雜詩

備倭城

薩摩洲上水連空泣海當年事戰攻祇為東溟求貢
市遂令南國起兵戎竄餘閔白驕天外縛取飛黃
在算中記得五侯同盡日颶風一夜佐成功 庚申夏阮中丞

平賊匪於松門獲安南進祿侯命
費利其大統兵竄寶玉侯等攻於海

同上

戚少保墓

海雲莽之擁遺阡間踏秋潮弔墓田無復鴛央兵什
伍空勞獵虎士三千防倭海上橫戈出破虜邊頭枕甲
眠一卷新詩百回讀六韜辛苦著當年 同上

書吳鐵生書札後

西湖山水幽秀曠逸往之生隱君子前代則褚伯玉林和
靖徐用晦高菊磻孫花翁諸人後先相望國朝丁龍
泓金壽門蔣山堂吳鐵生其流亞也鐵生以畫名海內工
詩善書世稱三絕以布衣伏處里閭二三知己外不妄交

遊尤不樂與士大夫交汪君志伊為浙方伯知重君會今
上初登極詔舉孝廉方正之士方伯將以君名應屏車騎
訪之君謝不見其高致如此画山水得四王法杭人賈於日
本國者推乃君画往輒得善價梁山舟太史以書法見
重海内恒以書易君画君不易也君嗜酒醉後遇所不
可輒慢罵晚境不自得三子相繼死長子婦汪未昏守
志縗經未歸君益悲愴又漕回祿之變又所藏法書日名画
皆盡遂鬱鬱以卒所遺翰墨散在人間若吉光片羽
矣此册皆與趙君筱厂札今為趙君彌甥周子澹巖
所藏意致散逸類諸卷善所書哀册殆書品所謂

仙人嘯樹者洵可寶也君書法本類南田源出虞世南
景義見其手書冬花盒詩册後為孫古雲所得余屬
古雲登之樂石開尚有待觀此册并記之
顧道堂文 鈔卷二

西湖贈吳興鮑處士 廷博

博雅吳興客高名重石渠華林頌祕籍海國問新
書君以進呈古書日最多拜圖書集成之賜巖谷棲神

久湖山著錄初詩情亦幽絕吟到夕陽疎君以夕陽詩得名人稱鮑

夕陽 顧道堂詩 外集卷三

題苜蓿澗白太湖載書圖

湖山清曠有人居七錄藏編重石渠記得小樓簾

影裡當年曾校海東書余曾為阮夫子校日本國書於西湖沈莊君亦有西泠校書圖故
頤道堂詩外集卷十

唐賽兒

永樂十九年蒲臺林三妻唐賽兒作亂自言得石函中寶書神劍役鬼神剪紙作人馬相戰鬥徒眾數千
龔據益都卸石寨指揮高鳳捕之敗勢遂熾其黨董彥昇等攻下莒即墨圍安邱總兵官柳升率劉忠圍賽兒賽兒夜劫官軍驚潰忠戰死賽兒逃去攻安邱益急知縣張旗等死守不能下合莒即墨萬餘賊未攻都指麾衛青備倭海上聞之率千

騎馳至大破賊城中亦鼓噪出殺賊二千擒四千餘悉斬之餘賊奔散時城中旦夕不支青救稍遲城必陷矣
賽兒竟不獲青傳 廿二史劄記卷三十六明史

日本奇語

薛俊日本奇語星曰付泥金曰空措泥銀曰失祿措泥船曰淳泥康熙字典泥字注

程元利

元利字汝義號西野休寧漢口人善詩賦慷慨士也客吳嘉定時適倭寇犯城未及坂令欲縱民妻孥出避汝義走謂令曰去民之肝腑而責之守夫安能膚立

請捐百金募勇士為諸巨室先授甲而登陴城卒
以無它及寇去而汝義忽意倦曰歸乎歸乎吾安吾瘠
土矣未及買舟而卒時年三十有四見休寧名族志程氏所見
詩鈔卷九

程鵬起

鵬起字相如又名繼良休寧草市人善詩賦工草篆
時日本叛伏闕獻策恩賜二品服色奉敕充正使
宣諭暹羅等八國授游擊將軍見休寧名族志

程氏所見詩鈔卷十小傳

報恩寺塔歌

觚稜劃碎秋天長江山一碧琉璃光帝王奉佛慕豪
舉前為蕭王後燕王兩王篡奪篡同姓千秋心印一
瓣香暮年晚蓋亦禪友震敬萬龍象糜錢糧我聞
阿育國王誅無辜懺悔殺孽營浮圖安知成祖非
此意洗兵甲以香燈塗傷殘骨肉念父母捫心更抱
忱區々報恩二字隱志過何殊鄭莊墜地唐宗吮乳
牽衣呼鈴音惜管輅廢事佛圖澄又聞羊魚銑
于環繞普供養不救春燈三日七日醜徒使朽然駭
外譁高麗日本稽顙俱雷神電母不省事一霹靂
費千萬蚨震夷伯廟擊武乙鬼神甚怒佞佛徒

我未正值天色霽輕風未往調笙竽觀此空塔一
慨歎聊揭一紙歸與兒童娛邱孫括易安齋詩集卷六

陳海士先生怡雲詩存題詞

詩情一海水無大亦無小先生嘗游日本遺詩皆游日本時所作也百川歸

不多尾閭洩不少雄風十四章萬古常浩易安齋詩集卷三

河清頌 有序

皇帝重華協德克纘舊服御極之四年捐浮糧于吳
會施殊恩于薄海選舉澄蕩乎奏庶政宏綱悉舉
悉具于是帝命式于九圍江漢之間氛埃不起官忤
于朝民歌于野天效其祥地呈其瑞鳳鳴于淮芝生

于庭璧合于曜珠聯于星四年十二月河清六省二千餘里
二十餘日如捲素練如掛銀濤連漪流瀼呈光迭耀洞
徹至底泥滓一洗旬日之間聲震遐邇吏民雜深如
織往來觀者乍躍駭詫莫不稱亘古神遇夾岸歡呼
悉北望稱皇帝萬歲聲達天庭督撫臣遣使繪圖馳
奏廷臣稱賀皇帝謙讓弗居歸功太廟仁皇帝神
靈所致熊羆稿徵之往古成王之世河清而越蒙氏未朝
唐武德河清而厥突是服明高祖元年河清而高麗
氏未為海外諸國先永樂二年河清而乃木耳烏思兀良哈
等國至以古準今應在永清蓋自皇帝即位以來文德

漸被如高麗日本南安暹羅西洋琉球諸國舊屬臣服
今歲未朝又如西極等國遠在海外窮荒至中國四五
里累重譯跋涉而不能致者今皆致之總由帝德宗
闕足以成五帝三故能召茲異休為千萬年景運之徵
爾謹撰河清頌曰

河源星宿靈漢與通漑滂萬品承化顯字惟帝德闕
宣道滯融膏溢九有流潤邦中允猷翕合氣感而同
蒸鬱氤氳瑞起熙洪自陝徂東淪滄混源澄于
闕流鎔積石凝激黝然泥涓而失清則千年變又以三
日玉壺銀海波紋練色光榮万里九曲一豁波臣告順

虞臣獻瑞舟人歌德澤人咸徯五省之奏一日而會廷
臣克拜天子聖神惟皇不受曰川之珍我祖降天福爾
蒸民我其夙夜益厲古淳群臣不聽乃効頌言圖傳
折溜舜觀帶水休氣既出黃玉符爾皇功浩水秋与古
協比乃降異瑞克媿前美之克媿海邦是告未方未
庭不約不召海波不揚梯航徑造王猷与河明無偏照
天降厥休吏民率詔鳳鳴于岡禾曲豐無耗帝德禹功時
惟不冒永清四海曰天子教草莽作頌敢告廊廟鄭文
灘集卷下

司徒蕭彦傳

蕭彥字思學號念渠幼穎敏夙成隆慶辛未會魁推
官杭州稱明允徵拜兵科給事中歷戶科都給事疏
還數十上如罷復文議罷田議河西防禦條論詳明無
不闕切時政張居正當國銳意裁中外冗官以示威後彥
力陳山東河南京糧道並裁非計識者韙之神宗初近
習伺便嘗詔司農取珍寔夏公主生詔光祿寺取賞賜
錢祭山陵詔司馬出同寺司農出太倉賞賜錢先後若
千萬緡彥疏復又中貴人以建內宮銀作局造工作御
馬監派馬料先後得請於上彥復抗疏寢之尋陞太
常少卿冊封魯藩還朝轉都察院僉都御史巡撫貴州

黔楚蜀界今漢錯雜難馴彥至崇簡要省煩苛与
民休息厲學宮士咸向風會苗峇于畔議討彥密計
戒甲士出不意勦之斬首四十餘級事定詔賜金幣再撫
滇南時姚騰兩營兵變而沐黔國世帥滇最貴踞彥
率用禮法繩之上書歷數黔國僭侈狀乃挑禍以嘗彥
以佯招安之而伏土漢兵于楊林截其歸路生縛六百餘
人斬馘八十餘級奪回被擄老僕人畜以千數先是叛
卒執同知恣文昌為前導以要我師彥用奇計脫乞以
成功神宗嘉其勛詔齎白金文綺賜之晉副都御史
撫勦陽當兵變後畏懷安輯軍伍肅然尋總督兩

廣時島夸東侵屬國瀕海傳警彦防禦有加乃疏
明職掌定經費西敷稅課兩廣積弊振刷一新又值
閩白構亂暹羅請援兵詔下兩粵督府計議彦以
夸多兵未必果得借即得借未必果有濟而暹羅經陟
中國東南諸郡殆徧乃達日本中國未必即被閩白首
禍而先被暹羅羅繹騷示弱于狡醜以微万里必不可成之
功挑釁于封長以速中國必不可避之禍見謂過計抗
章力爭乃止尋召拜戶部右侍郎候代卒于官卅年
五十八事聞上哀憚諭祭營葬有加贈右都御史謚定
肅蔭一子彦少遊毅齋查鐸之間深造自得發為文

章沈洋通達曉暢事情歷官二十餘年在朝多讜言
四任開府節制諸番恩威並宣豐功偉績昭乎中外又
雅言文辭多所著咏論者以為卓然名世焉 鄭相如虹
玉堂文集

卷十六

八月晦日東臯以早菊見餉同賦絕句

花信何心竟早遲寒香先發兩三枝總輸射馬臺邊

種五月山塘索價時 日本有射馬臺披
左堂集卷五

詠東洋夏菊次盛賞三韻 同李武曾王令
詠作

異種流傳古帶方託根應傍海田桑花期不待重陽
兩人事偏逢六月霜泛酒籬膏同薄醉插頭榴

火讓微香吳兒未識東籬近枉向蓮塘買棹忙

滄海應全隸職方異花先見貢博桑不辭重譯經波

浪豈料中華有雪霜徐市島邊懷故土羅含宅裡換

新香三年始遇餐英客辜負螺舟溜夏忙此花入中

矣興販洋船有戲春溜夏三况

名花一例出遐方壓倒伊蘭與佛桑不信早叢敢偏

耐日性喜烈日與中土種異未甘晚節讓凌霜人情自重非時

種物性難移故國香河朔尊前添飲興葛巾漉酒

為他忙

消夏新未有樂方却將采菊續剗桑籬邊但少虫

吟露天外疑聞雁叫霜滿酌荷管用浮細辨緩搖葵

扇引寒香不知窮島花開日可似唐人襜襜忙彼土稱

唐人

貪買奇花拚孔方柳帆分種傲柴桑探支佳色當祥

暑次第繁英接早霜紅菡萏羞班熱客紫茱萸笑

後秋香等閒時物成顛倒未信天公有底忙同上

和寶三咏道場山薤菜詩高雲客云此菜產日本

禁不得傳種出境有海客以薤藏之歸故名薤菜非其本名也

自別螺江路長憐薤菜稀僧房偏得種禪悅共希

微玉版真同調金齋韭每讓肥明年須乞子生及柳依

臨盆翁惠琉球繭紙

扶桑童、百丈高根橫東海，衝洪濤、陽鳥枝上栖未
定。天雞一喚驚翔，翱翔海中冰，蟄蛭長一尺，鱗角照日
輝。神臯飽餐綠葉，幾千歲作繭，如蠶。縣巖巖，數
鮫人手弄文機，石龍宮夜靜，勤剪刀，冰縑万匹，無
處賣。淚珠迸落盈千艘，中山之地鄰日本，澎湖島
上多紅毛。詩書尚未經秦火，我聞欲往心徒勞。何人
竊得鮫人法，巧織素紙編夙騷。肌理細膩類剝玉，入
手朗潤疑塗膏。仙翁贈我三十幅，絕勝明光與葡萄。

閑窗睡起日卓午，坐研古墨生掃禿。毫春蛇秋蚓竟奔
走，手如風雨頗自豪。富日當投筆，之滇渤追隨龍伯
學。釣鼈珊瑚連網或塞得，取作瓊瑤報木桃。江

紀伯圭堂
詩鈔卷二

日本

我朝國勢之尊超漢前，古其馭北虜西蕃無漢之和
親。無唐之結盟，無宋之納歲幣，亦無兄弟敵國之禮
其未朝貢，則以恩禮待之。其朝鮮安南琉球日本，占城
暹羅滿刺加諸國，烏思藏董卜韓胡奴兒干諸司，朶
顏赤斤阿端卜刺罕諸衛，奉法尤謹，朝廷待之恩禮

亦有加焉嗚呼盛哉

王佐灼文集卷二引東谷贊言

倭國風俗

我朝國初時嘗欲征倭國彼遣使嚙哩嘛哈奉表乞降上問倭國風俗何如嚙哩嘛哈以詩答曰國比中原國人如上國人衣冠唐制度禮樂漢君臣銀羅簪新酒金刀膾錦鱗年二三月桃李一般春上初欲罪其不恭徐乃貫之

灼文集卷十七引傳信錄

原評何國無人於此可見

重修大觀樓記

李維楨

瓜州鎮在江北岸距揚州四十里而遠有城自宋王友直

始廢矣嘉靖末倭犯揚州更築城之南故有望江樓亦廢方曆初立郡丞更為之名曰大觀三十年未漸以地制郡丞務章方中子繕治斧藻還於舊觀集鎮之為諸生者暇日屬文談經其外為臺建大將旗鼓歲時肄水戰之士四隅有隙構別館庖福皆具凡遊者與四方客之寄逕而廐置不給者於斯共一日之積一夕之衛焉大江可斟金焦北顧三山可把蜃樓霧市可窺若木扶桑可接鐘阜龍盤石城虎踞宮闕陵園鬱葱王氣可約畧攬結也信哉大觀矣既落成中子得予記其事考史曹魏伐吳幸廣陵故城臨江觀兵壩

天塹之險而返今瓜州涉磬之衣帶水耳以彼成卒十
餘方舳舻千里何難飛渡豈地有滄桑移徙抑郡邑建
置古今不常瓜州故非臨江所耶江遠即敵亦遠江近
即敵亦近遠近之間所為控禦經畧難易區分矣
國家財賦吳越強半漕輓櫛比率由此出留都與
京師並建是為股肱故以屬邑一鎮而張官置吏屯
兵備警與郡相首尾門戶嚴則謝玄無內顧之憂藩
籬固則祖逖有前進之勢觀于地利而知鎮之重也四
方民聚無萬數家解恒產什九商賈仰機利而
食自權稅中使出而商困商富於鹽策多秦晉

新安產非土著也頃者鹽政抗敵巧法不可勝原商乃
重困東南水旱無歲無之益以河決堤繇不息外亡塞
路盜賊多有倭奴躡躡屬國未遭大創鯨鯢播蕩
餘腥嘗染淮海建囚跳梁視遼左杞上肉有如萬分
一飲馬山海關過天津運道震于其鄰詎可安枕山
東河南大被饑民累乞丐不遂恣行抄掠就蒲贏
于江海之邦昏夜舳舻絡繹不復誰何凡此皆可亂階亂
昔人所云承平為繁華之會多事為馳騫之衝觀于
時事而知鎮之重也登斯樓者宜作何觀將治其新
隄出其尊彝品其百籩敬其被除體解節折而

共飲食之酬弊宴貨以容合好予將仰而山俯而江遠
而海斯日夕月烟霞夙而草木禽魚四時方彙窮態極
變應接不暇擊手節而吟揮毫而書鼓琴而歌盤
礴而畫坐胡床而嘯取適目前不知其他予將侈
口鮑昭之賦蕪城也牙檣錦纜青樓綺陌事挂鞚
馬駕肩塵宇撲地歌吹沸天贊以富都那豎相以長
髮鬢之士以視侈淫色為明以土木崇高雕鏤為美
金石匏竹囂庶昌大為樂乎抑觀夫耕耘機杼之
業日感之瑣尾呻吟之狀日增鑄山煮海之費日耗
蓬蒿艾秋之區日蔓也餘皇太白蒙衝鬪艦走舸

遊艇五樓三翼非不飭也而能操者幾何人城高九
仞睥睨萬計樓櫓刁斗葦箭木薦桔槔堽零渠
荅蘭石鹿角虎落非不備也而善守者幾何人介冑
劔戟矛鉞弓弩鼓鉦旗旆火攻之器非不修也而敢
戰者幾何人八陣六花魚麗鶴列箕張翼兵舒右托左
牡越之雁行鄭之鵝鶴常山之卒然非不試也而實用
者幾何人則必有穆然深思凜然畏懼戚然若痼
瘵在躬閔然若農夫望歲皇然若徹桑土戒衣初
惟恐失時者矣誠如是鎮為吳楚扞蔽為帝畿金
湯莫無窮之基重無窮之開所貴大觀儻在斯乎

輓近世文章家有記天開圖畫樓者有記京口月觀
者有記壯觀亭者皆鎮錯壤景物相方而其大抵
多弔古覽勝放浪流連以寬旅况而寄才情非危言
西歎論瞿之良士所欲聞也六稿附祀真文發恤之後舞
筆奮詞用告觀者中子名亮庾持官守身以順
簡書奏課為最茲特其一端云

劉士鏘明文
雲卷九

李霖寰遼東奏議序

黃輝

予讀李公撫遼諸疏喟然曰微公且有遼乎然豈惟
遼哉遼之隅位久矣往聞之邊人曰遼無塞以堞畫
胡耳沙日荒馬蹄蓬根羶凡曠天寒燐晝流犬

化為犴貳視路人是時獨中虜而既若此矣又況乎
禍結于倭也遼亟虜天下無預以天下救朝鮮遼乃
當十二三又為枕席而過天下之師以氣息才屬之遼
而首有戴肩有任腰有絙其不僵者一髮耳所以猶
能遼而至今茲者右屯之守堅之也虜視右屯不啻
口中之虱然驅數萬騎直走三里城下環攻之八九日而
不能甘心焉者鎮武之捷奪之也假令鎮武無功則我益
靡虜益進右屯以往可坐而餐食矣我且不能遼何
暇朝鮮朝鮮盡則倭又一虜也更數年無遼矣然
則鎮武之功天下之功也初公至遼不能為人公為之

請餉遼用有腹請馬遼用有足料士訓勇遼用有手
殊成于郵遼用有血脉明斥埃嚴偵謀遼用有耳
目核功非必賞罰遼用有氣而公噢咻督厲時則
父兄時則師帥自為心膽乎其中於是乎遼乃為
人而犬羊虜矣七月視事十月創虜一何神速也東
虜創西虜走無復敢深入小酋俄乞市往徵虜
情輸我、得緩急為備自是諸救朝鮮者道遼如
道內境竟掃倭東之朝鮮乃無恙而陪遼矣吾
故曰鎮武之功天下之功也方虜欲入公募能得種
裘首者立與五十金特許馳馬絕幕府中道出目

送之寵甚觀者如堵咸骨騰肉飛相与言公言一戰
而存我遼猶為之况未必死乎故戰咸自百石也既完
則引守將上堦慰勞之幾欲下拜父兄師帥不當如是
耶此遼人所欲得為心膽者也公嘗言事務實效耳
紛、飾觀聽何益語有之救火之家何暇白其家大人
故公事三年可無疏不疏、必直抒橫貫委曲反覆
根極情狀而區畫之一、會文切理如指諸掌筆所未
踟意已前暢使人讀之未暇竟而首固已肯矣昔
趙充国上金城方略殆無賸語房玄齡陳事千里
如對面談之兩人事則其文左邱明且取善言戰政司

馬遷次之。兩人文則其事辟趙房所自言如鏡入影
左馬善貌人並神情得焉。予嘗恨不合數君子為
一人。今度幾於公見之矣。公起家年少文章政事名稱傾
一時。試武遼東。遽功于天下。比復以賜劍。灑播州。然
固挫虜緒餘耳。上方倚公如長城。繼自今。經緯事
業。顧何啻遼。播予獨有感于公之言。遠也者。曰無歲
不災矣。虜得我民。播務固之。我實有民。而莫之或恤。
是留之我而死。不若拯之胡而死也。斯言也。痛切至深。
皆他人所不知言。不能言。又不肯言者。即痛哭流涕亦
不是。過嗟乎。天下一遼也。公豈獨為遼言之哉。
明文雲商 卷三

戚將軍紀効新書序

王世貞

閩中汪中丞使來云。戚將軍用兵如神。其所著紀効新書
者。公能無意一言乎。不佞故嘗從王憲使論序戚將軍用
兵。伏曰。戚將軍善用寡已。又曰。戚將軍善用衆已。又曰。戚
將軍善用敗已。則曰。戚將軍善用勝。問所以善用。伏則曰。
縣官自急。海事未悉。天下力厭之。東南大約越卒。十不
能易倭一。而戚將軍繇裨校起。提千餘烏合之士。躡其穴
而梟夷之。若艾稿。然即無論戚將軍用寡已。今諸邊大
將。不過三千人。勢不能他有所舉。而朽戚將軍任大將
至將數萬人。其精神之所提衡。注使凜乎。若出于人

而肝膽之是無論用衆也威將軍所造卒或不幸偶
中敵以敗告威將軍益治兵自如往之利其瑕以誤敵之
懈見即陰鼓我之氣而驟用之以成大動故威將軍之
敗往之為勝端而他將士見小勝則志小溢見大勝則志大
溢日擁門革以勝形視下其下亦效為史辭悅其
上而貪于懈是故其勝往之為敗端乃威將軍益治
兵自如即不幸敵勝而不得以勝壓我之勝而敵不
得以其敗悞我今威將軍起禪校屢遷至大都
督佩兩印跨制三道大小可數十百戰所殺酋萬之
計稱東南名將無偶威將軍者因出一編授余曰

此威將軍所著紀効新書也余得而讀之卷凡六百
自束伍以至水兵篇凡十有八精者探無間操無形
若莊生之談要眇粗者教技擊手按營壘分水布
陸纖悉條備若陶朱公之治生其明賞罰之章程
刻畫敷斷若韓非之論難刺見寇隱出神入鬼若
季主居平之前知余乃作而嘆曰威將軍能縣官誠
用之北緒瀚海封狼居胥取方戶侯何足道哉是寧
獨東南為余嘗怪漢武帝時下朝鮮掃漠笮
甌閩南越三越不旋踵而若承蜩然最難者匈奴
耳而大將軍驃騎將軍以輕騎絕大漠數得志焉

此豈出天幸不至之絕哉而太史公傳自函獲封戶
外略而不具載意其人以文章奇天下快、奇數不欲
令武士見所長耳及讀至帝欲以孫吳兵法教驃騎
不肯受曰不至學古兵法顧方畧何如夫然後而知驃
騎將軍與大將軍之微也彼故長于技而短于法即不
盡出天幸于後世何所自見焉若孫吳穰苴韓信諸
葛發其藏為一家言業已進是矣其微且奧義往
使介胄之士見之而不能習觚翰之士能習而不能
用夫卑、施名實焉能廢戚將軍書哉雖然兵陰道
也而陽言之語云我能往寇亦能往戚將軍毋亦少悶

所餘矣將軍名繼光東萊人中丞名道昆徽人閩功
與戚將軍共之又操文章柄而汲、然欲以余言顯戚
將軍王憲使名道行不識戚將軍顧獨孫戚將賢
俱可書也

明文需
卷二

倭入貢

倭入貢道蘓州聞袁永之名延見倡和累日贈以奇
珍時年十餘歲郡中競傳袁氏有神童

全祖望年華
錄卷四

皇氏論語義疏跋

乾隆三十七年朝廷詔求遺書有自日本國得皇侃論
語義疏以獻者六百餘年故籍淪落海邦值天子好文

幸而復覩不誠藝林盛事哉按皇氏所撰實本何晏所集孔安國包咸周氏馬融鄭元陳群王肅周生烈之說而又引江熙所采衛瓘繆播樂肇郭象蔡謨袁宏江惇蔡系李充孫綽周懷范甯王珉十三家以成其書雖時涉細鎖而嘗粹群言援證精博為時所宗是可寶也說者謂宋端拱四年命邢昺等重定論語諸疏摹板頒行而皇疏遂爾廢置既又慮雜本參錯因盡收民間寫本不用於是略無存者南渡而後播遷散佚竟致湮沈故以朱子集註號稱詳備且不及收其一言而陳氏書錄解題馬氏文獻通考

脫宋史藝文志皆無由著其篇目蓋凋零埋沒幾絕於世久矣然邢氏正義實藉此以告成是亦好古者所宜並蓄以資采摭者也

凌揚藻海雅堂集卷十八

島夷卉服

渭按地理志樂浪海中有倭人分為百餘國又會稽海外有東鯤音題人分為二十餘國皆以歲時未獻見蓋即此之島夷百草總名卉服殆非一種去古已遠不可得詳葛越吉貝木綿亦仿像言之而已

薛士龍云

島夷朝鮮甌駱之屬朝鮮在東北甌駱非島居者唯倭人東鯤諸國可以當之

漢志會稽郡有冶縣

師古曰本閩越地志云東鯤在會稽海外今直福建東
南諸國是也後漢東夷傳倭在韓東南大海中依
山島為居凡百餘國其大倭王居邪馬臺國樂浪郡徼
去其國萬二千里其地大較在會稽東治之東魚豢
魏略曰倭在帶方東南大海中依山島為國度海千
里復有國皆倭種蓋倭國有二其在帶方東南者
即漢之倭人後漢書所謂倭在韓東南大海中者
也度海千里復有倭者即漢之東鯤人後漢書所謂
大倭王國直會稽東治之東者也東鯤今為日本按
唐書日本古倭奴也直新羅東南在海中島而居東

西五月行南北三月行左右小島五十餘皆自名國而臣
附之故後漢時稱大倭王云

胡渭禹貢錐
指卷六

湯總兵度平海寇歌四首

大將旌旗照海紅水軍東下劍光雄氣吞遠嶼妖
氛滅血染高沙賊壘空

東南海寇弄兵頻出沒長江不畏人鐵甕城邊開
督府百年沙島靜烟塵

捷書飛奏海沙平南國將軍善用兵詔賜黃金都
督印腰間玉帶雪花明

樓船上將領官軍白日旗翻瀚海雲一夜沙酋擒

斬盡朝未玉爾玉策高勛

夏言桂洲文集卷六

倭刀

萬口寒光澌參差拂海星扶桑飛不歇常照血

痕青

曹溶靜惕堂詩集卷四十

倭螺

鮫魚倭螺也今漢書王莽傳載莽曾飲酒啖鮫魚註云

海魚也恐顏師古未必知是倭螺耳

袁文龜牖閒評卷二

倭人

簡齋前輩八十壽詩

晚年文望更誰同餘論元暉齒頰工四海關心

霜鬢賀鶴萬場留爪雪泥鴻倭人願識蕭夫子鄭婢能

吟衛國風最是門牆生面別姬姜都入藥籠中

祝德

麟悅親樓詩集卷二十八

鳥船志略

京口為吳楚咽喉浙閩鎖鑰險扼天塹據山水之勝
居民茂密百貨雲集以海門圖山為前戶藉靖江
瓜步為犄角往昔海氛未靖倭寇出沒每東南風
起萬姓咸有戒心蓋賊可揚帆肆劫也迨我朝定鼎
分八旂大軍三千人駐防其地以鎮海大將軍領之設
水師造沙嘴等舡雖能破浪僅宜江河難涉大

舡習戰以備
寇自二伯祖

欽五公開府
鎮海時見沙
嘴

洋因條奏造鳥舡進鳥船圖說奏可而康熙癸亥靖海將軍施琅實照造此船以平澎臺今水操皆用此舟而製稍儉改沙嘴以資巡緝船泊高資港遇東南風乃開操乘濤直至黃天蕩鎮炮雷鳴旌旂蔽日或耀威溟渤肅清島孽誠洋海長城也開時委兵看守固號嚴密憶先大夫司行宮時嘗指點謂余曰留兵守船不過數名其餘弁卒星散陸居若風宵雨夕巡防偶懈不無意外之虞且既隸水師應習水性識風候熟戲創練爭上截下夾戰衝腰因敵等各攻戰之法庶餉

不虛糜而舟卒均歸有用若止選期舍陸臨風演擣渾同戲局一暴十寒則水師之設亦姑存其名耳應移官兵長居船內據水成陣遇風即操風止列營如敵大敵經云安不忘危江海要區或有所恃而永靖蛟鯨乎余請先大夫條畫以行而當事者憚於更易至今仍之張

賈桐軒集滇南
憶舊錄

上念故威大將軍功在社稷問其裔孫幾人不忘勳舊以勵末者感而賦詩

永陵方御宇島夷實縱橫
風塵起海上浩蕩東南傾
少保英雄器弱冠遊帝京
手持尺一書未治橫海兵
宿嘗

鴛鴦陣能使鱗介驚轉戰窮閩甌俘虜俄以盈洪濤
靜不飛歷之窺蓬瀛薊門羽書至公文西北行再上安邊
策慷慨思長纓飛檄召部曲落日組練明君子六千人凡
兩立嶮嶮致令邊鄙士惕息將軍令閔隘無一瑕版
築役已輕墩臺既梯比車騎相輔榮醜虜歸大漠
萬里詩長城高秋偃烽火享士開中營將軍盛文雅綏
帶重蔥珩著書近六韜詞賦齊名卿當與王汪輩狎
主稱生平上將貴伐謀豈必皆門爭遂使遼東李獨被
五等榮元臣修芒刺青蠅集瑤瓊改領征蠻幕坐鎮五
嶽清伏波方被謫踴躍操鼓鳴疾作歸故里四壁無餘



言觀大日生隆文登之寂實蛟龍旌至今五十載誰人訟忠貞
王重武節俯仰思國楨蕭條雲臺事寥落山河盟既
賜武侯祠復表龍驤瑩詔書問後裔愴惻抒皇情豈
必思澤多感激通精誠秦州盛飛蛾遼海吞長鯨
撫髀念頗牧何況當代英螭龍盤金印丹青照朱甍
歎息熊虎士努力事專征無使麒麟閣獨有千秋名
陳龍忠裕全集卷八

倭寇

浙江通志湯和字鼎臣淳人拜征南將軍招方國珍定浙東
封中山侯進爵信國公高帝中年倭寇浙東海上郡和年已

六十上謂和卿尚強健為朕一行和至台用方鳴謙議設指
揮衛卒之所於浙東諸郡揀丁壯三萬五千城之和自巡衛
城功盡發散州縣錢及籍犯者家物工匠往過所望上不
踰年衛城成稽軍次定考格立賞令四民一軍守之吳越
海上父老指烽戍厯稱湯信國焉

忠裕全集卷十五考證

送舅氏海士先生之日本長崎島

元龍意氣何雄豪高卧百尺樓岩堯興未湖海思游
遨下視塵世同蟻螻憶昔襄糧乘江濤廣陵城外
飛蘭橈蒲帆六幅輕鴻毛中流兩點浮金焦漁歌彭蠡
聲迢迢勝王高閣捫九霄珠簾畫棟雲中翹西山南

浦相週周漕高瞻遐矚心勞切幡然歸卧三重茅奚囊
新句誇風駭壯游已足驚朋僚何為有志乘鯨鰲不屑
翡翠游蘭苕譬彼食客羅嘉肴有未啖珍錯終貪
饕又如登頓臨山腰未造絕頂焉辭勞海門一障明
連艘大觀直欲唾堂坳我聞大瀛洲環神自華混茫一氣
玄元包白波起立腥風號浮天無岸空涵靈妃出舞
天吳騎馮夷擊鼓群龍跳鮫人停織呈冰綃金支翠
羽光招搖是時掛席空中飄撇漩捎瀆隨雲颺坐觀
萬象紛難淆外夷內夏遙相交倭奴古國鄰東潦五
畿七道連城壕土物富厚民風饒文身黥面黃垂髻

輸誠中國尊唐竟僭臣北面瞻魁杓舅氏此去誰相
招屹然奇島凌山椒壽安國鎮迎海潮土人見客時相
邀語言莫辨空喧誦字往揮霜豪遐陬凡物同
皇郊白香山集傳歌謠矧有奇貨紛招要花布羅木
純鋼刀水日琥珀精鏤雕懋遷古制遵虞姚通功易
事無昏朝黃泥板屋非茅絢歡未聞日安斟香醪美
人秉醉鳴檀槽黑齒乍啓鶯語嬌參差妙屨垂雲
鬢月溫柔鄉裏忘醪陶客居景况非蕭條賤子株守
如鷓鴣局促牖下瓜繫匏遙瞻長崎道里遙乘桴
何日浮瀛槁烏序乘桴何日浮瀛槁聞居免受帷

車嘲

邱瑋諸華香處
詩集卷一

金剛經

十五年前曾為授鷄居士寫金剛經一卷居士刻之棗木
精裝千本喜施天下名勝禪林与伐那婆斯尊宿貝葉
之書爭光也即外域遐方若朝鮮若日本若暹羅若琉
球若安南諸國以及小瓊島大西洋皆附海舶遠行散布
之地無不知中華有心出家菴粥飯僧之柔翰矣今年
又畫佛畫菩薩畫維漢將俟世之信心敬奉者設摹
上石一如寫經之流傳云

金農心
畫佛題記

倭

倭 音煨倭遲 又音窩倭奴國

李祕園字學于七種 卷下一字二音

遇倭寇

張道人妻角直鎮人平日茹素念佛突遇倭寇青天白日之下身欲乞巧張妻欺之曰必擇良方好就隨倭寇行無定止倭寇以刃背斫之乘隙投路旁冽井而死錢思元吳門補乘

卷六

倭寇

婁門外陸華女婦唐相抱嬰兒字一衣箱倭寇未急棄兒水中即自溺焉倭寇見色頗艷援之出斤斃于其相而易以新衣率去竟復投水而死同上

避倭亂

靖江貞女陳玄奴至正間避倭亂往姑蘓遭兵擄義不受辱投水死祠記 同上

倭患孔棘

嘉靖三十三年正月應天巡撫都御史彭黜以倭患孔棘請令蘓松常鎮四府得納承差如各省例并推閭閻商稅留三十一年以前應解本色布銀以充軍費從之吳門補乘卷一

被倭

嘉靖時增江浙稅額一百二十萬又以被倭加額外提編萬曆時每畝加九釐後于九釐外又加三釐同上

倭亂

熊桴字元秉武昌人始守太倉以倭亂罷繼奉旨討賊自
効忽戰敗兵卒皆鳥獸散有門卒金祥獨不去熊曰我
死國分也爾何為乎祥曰公死國小人死公亦分也竟殿熊
後熊過橋而寇亦登祥奮死下橋肩而推之橋壞寇
墮水死者六人熊得免已以屢捷晉熊郡丞討賊如故一
日熊與儕輩酌於郊寺祥忽大呼曰寇至矣蓋其分生氣見
也時從騎皆失有乘馬過者祥推墮其人以馬乘熊而
親執其銜從間道以免又一日傳餐舟中熊忽心動曰
寇至矣祥掖熊登小舟走未交睫而大舟寇據矣祥又

以識地得免熊與倭大小三十餘戰斬首三千二百有奇祥
未嘗不在左右屢經險得脫祥力居多寇平熊蘓松兵
備以祥為郡掾其時巡撫周琬疏陳禦倭有十難有三策吳門補乘
卷四

天員

嘉靖癸丑倭兵入犯蘓松操江蔡克廉募僧兵殄滅之自
後我師與倭戰多凱旋自天員一陣始天員本少林僧講
楞嚴經於天池山中乃將材也就聘出山蔡公館之於瑞
光寺與杭僧月空同處天員招選僧四十八人擬立將領
衆人以月空自杭來乃客也宜讓為將天員曰吾乃真少
林僧彼何所長而欲出吾上乎十八僧自推八人願與較技

八人募以拳、天員天員時立露臺八僧自墀下歷階而上
天員以拳揮卻不得上八僧走遠殿後持刀從殿門出
斫天員天員急取殿門長門橫擊之眾不得近反為
天員所擊手月空降氣求免十八僧伏地祇服茶七奇之乃
令月空領抗僧十八名天員領慈僧四十八人協力征勦賊無
遺類

賞火謠

吳城六門莫盛於西閭六月初賊舉火焚楓槁津晝夜
時寧坐睥睨間飲酒顧望無異平日時烈風大作烟焰
蔽天不辨咫尺哭聲遍城內外或指城上云勿啼哭看

城上賞火吁有是哉作賞火謠

明詩錄王翹賞火 且謠序○此言倭寇事

倭變應募

張二莫知所自出善伏水中能月餘不食又躡捷善走死地

嘉靖甲寅三十三年倭變應募松江方太守朱良知平倭志張二吳縣橫塘人流

寓松江調賊數挾利器泗水遇賊舟斃其底沈之又時入

賊巢偵其情斬首以獻太守犒之銀牌不受犒之以酒

則受賊平論功應就衣百戶郡縣加以音服卻之竟莫解

其誰何人也倭變錄○按鄭若首曾等海編是年皆比山知縣祝乾壽首募死士浮水八晝夜障郡城疑

昂其 吳門補乘卷五

沈德潛

沈德潛字確士自號歸愚始居木瀆後徙郡城祖欽圻
諸生父鍾彥累世積德並載長洲志德潛幼志貧幾廢
讀年十七學詩於吳江葉燮王尚書士禎抵書於燮又稱
沈生在及門中不止得皮得骨直已得髓自是詩名滿
天下康熙三十三年補長洲學生雍正十二年舉博學鴻
詞被斥至乾隆三年始登鄉榜年已六十有六矣明年
成進士改庶吉士上諭張廷和云沈德潛係老名命士有詩名和消暑
十咏稱旨四遷至侍讀學士九年陞少詹事典試湖北歸
遷正詹事授禮部侍郎入上書房十二年充會試副總
裁十四年患噎傳旨許其歸里朕與之以詩始亦以詩

終令其校閱詩稿畢起行歸後省益陪賜詩命和命
校益密嘗進詩集求序上欣然許之小除夕手書以賜比
以李杜高王海外日罕琉球諸國走驛券索沈尚書詩集
自古詩人未嘗有也十六年南巡旨詢在籍食原品俸尋
加尚書銜復加太子太傅改食正一品俸三十四年卒年九十
七謚文愨子二攀松孫七熙欽賜舉人德潛詩專主唐音
以溫柔為教如絃匏笙簧皆正聲也吳中自尤侗顧嗣立
領袖騷壇一時名士徐昂發蔣夢蘭輩與並馳騁文凡
極天下盛德潛稍後主凡雅數十年與之游者張錫祚周
永銓周進盛錦顧詒祜亦皆以能詩名錫祚永銓準志

有傳錦詒禘後有傳 同上

日本國使

謁明待詔衡山文先生遺像敬題 應書升
文丈命

停雲翰墨世珍傳 碩望儒宗尚儼然 幣却強藩羅幕

下藩禮嚴島使拜林前 日本 烟霞斂染衣巾古詩藻

褒題詔命宣 御賜
題咏 慶遇主臣字一德 得邀陳請賁林

泉 先生像係沈
德潛進呈 李繩耘圃詩鈔了編

耿隨卿

明都察院右僉都御史巡撫順天忠菴耿公行狀

方曆辛卯十月十四日中丞耿公卒于家明年壬辰十月其子

如璘持幣遣伴謁不佞曰不肖孤將徵銘于大司馬不

朽先大人然不得足下狀大司馬亦無憑以不朽先大人大司

馬者東泉石公也石公有人鑑故如璘將乞銘不佞自惟

新進晚士無能為公役然憶為造士時曾辱公知則狀

公宜莫如不佞蓋公諱隨卿字子承別號忠菴滑縣

人 云 甲子陞蘓松兵備副使蘓松者倭衝也而是歲

四月內果有倭奴六船突犯崇明界公督副總兵郭成

參將田應山兵船圍賊于穿心港乘風載葦縱火焚

燒船壞倭死漂溺無數斬首一百一十七名生擒日羅瓢

林新瓢十五郎二八郎等三十六名復搜斬一十五級賊遂無

一生還者捷開賞銀十五兩轉山西布政司左參政兼按察司副使仍管分巡口北整飭懷隆南山戎務尋轉都察院右僉都御史巡撫順天等府云今歲倭破朝鮮廟堂方銳意用公而公已不可起矣嗟乎開原之鼓噪則嘉靖大同之變也典模之暴橫則正德己卯之變也灣東之侵略則也先俺答之變也崇明之傳警則王直徐海之變也而公重如持弩應若發機不動聲色功若太山公所謂才大臣者非耶而竟以謫去令公今日而當虜窟塚鳥鼠之間必不至茶毒令公今日而當寇黃草紅花之間必不至皮劉令公今日而當倭木葉白雲之間必不至

猖獗天不數生才又不數用用者又未必天所生之才竟令東鹿黎陽餘姚三王公喪之二百年也傷哉公矣公生于正德十二年丁丑十二月二十六日距其卒得年七十有五高祖瑞曾祖表祖潤贈戶部員外郎父騰贈都察院右僉都御史母郭氏贈恭人配某氏子一如璘光祿寺署丞孫光觀光陞光陞董復亨敏亦露園集卷十三

日今年號

外夷

文平

日本孝德

文治

日本孝德玉海云一作治樣

文永

日本龜山院天皇

文祿

日本平秀吉

元德

日本

元宏

日本

觀應 日本 安元 日本高倉院天皇 寬宏 日本 寬永 日本

天平勝寶 日本孝德當唐元宗天寶十二年 天應 日本

天曆 日本 天元 日本 天正 日本 延應 日本桓武天皇當唐

憲宗元和元年 嘉元 日本 康保 日本 康永 日本 貞觀 日本

日本 貞治 日本 寶龜 日本當唐元宗開元三年 永延 日本

守平 天皇當宋太宗雍熙四年 永然 日本 永歷 日本 治承 日本

日本高倉院天皇 治象 日本 大寶 日本當唐武后大足元

年 建武 日本 正中 日本 慶長 日本當明神宗萬曆二十

三年 應保 日本 應應 日本 白雉 日本 白龜 日本

金學詩歷代年號譜卷五

送劉長孫將軍守備三江序

予弱冠操觚為韻語雅習里中劉將軍恒山先生先生
目光如炬神鋒奕奕顧盼燁如也於書無所不淹綜援
筆數千言沈洋自恣符采渙發舉其節則淵非心壯
慷慨沈雄時推執牛耳不得不歸之先生先生固無所讓
也 云 時長孫為子侯方髫髻年有異質日記誦萬言 云
長孫既勝冠戴爵服世官才名輒駭起長孫藻思
閎贍綽有父風而清華冲婉不帝過之淵觀玄遠之
度望之令人意消文吏間有易之者長孫弗之忤稍与
之周旋覽其夙期韶令文采歲蕤不自知其色降意

下已復扣以軍國大政長孫輒又縱中機中權不必得之故習而量劑時宜較若懸衡始易之者而終內自責似若無所容者於是諸縉紳無不交口劉君也者國士少能入洎從事主衛篆篆則衛事效主芻粟則漕事效甌三垂踞海為越最要區脫槍壘不戒唯倭是虞頻年以來予無解檠矢無離版氣侵廓清而武備特奮者伊誰之賜哉實長孫居中堅勞苦董振功居多當事薦剡凡婁上遂擢禁三江守備誡行有期在事諸將佐以余名世習長孫乃以贈言見屬余野人也烏足以圖當世之務即終日言固知無裨長孫囊底餘智也

雖然予雅好游足跡半天下比從閔洛出西塞黃河源委大漠莽蒼巖壁壘要險土俗羯隸士馬勁弱間從諸宿將稍習之竊謂當今西北策虜東南策倭九邊當天下勁兵處割縣官財賦之半以事邊雖政有張弛而將士思一當勾奴以自見者在所不之且溝胡運式微角崩乞款我得以表餌羈縻之嚙齒梨則与款跳梁則接戰戰款之權實出我握日本思內訌非藉風汎不得竊發我瀕海險隘在在戒嚴戈船樓櫓時而修繕蘭鑄渠犀時而飭治將領兵士時而汰練勞逸之勢我亦得而主之至若當今隱憂又計無踰於楚者楚

自蚡冒以來修其車賦與晉更霸門戶庸蜀襟帶荆
吳昔何充亦謂荆襄重地得人則中原可定失人則社稷
可憂矧當今為肅皇帝湯沐邑頃承平久武備寢弛余
嘗浮漢沔窺鄭襄顧城無完郭士唯空卷石能敵已
極夫憂人之憂者則策周而形著憂人所不憂者則
策搖而形隱先事設無衣初之防一旦緩急如御侮
何適者撫臣失馭獷宗干紀足為寒心長孫倘不以藿
食之言為迂吾知長孫足以辦禁矣先將軍未究之
緒長孫將昭宣而昌大之剖符胙土皆異日所有事
楚其基乎顧余之精日銷亡不能據長孫左席適觀

其盛即勒銘賀蘭則長孫又善觚翰不減孟堅越
石華又無侔於余也庶幾他日告成之後余為長孫西
向華庭仙門間酌一盞落以告先將軍地下可也長孫

勗旃

何白汲古堂
集卷二十三

答程相如將軍予自方厝辛卯歲從吳門張孟孺
將軍宅晤相如時相如以布衣任俠勇氣聞諸侯間
席上談兵自喜坐客咸相顧愕胎予獨為快然酌
一觥船也嗣日奉閱朝鮮羽書孔棘王師乃有釜
山之役相如日詣司馬門陳便計當事聽其議言
之上遂以相如為游擊將軍充正使往諭暹羅

諸國以兵持日卒時日卒重兵在金山國內虛可一
鼓下也蓋其持論如此相如既拜命乃復過家上
冢召故賓客椎牛為高會數十日已行至粵東甫
渡海輒為言者沮屋至占城而還橐中裝皆盡所
募劍客健兒亦散去君既忽忽不自得茲復從
軍粵西以真一障之効其意氣故豁然也戊申復
提兵延陵走使致書予山中予計與相如別且二十
年所從仰今昔為之憮然遂有此作

程生長不滿六尺氣欲吞胡髮須蟬磔獵纓談兵風雨
生斫劍悲歌雷電劃昔年相見闔閭城竝轡夜過

張尉宅城上寒山暝色未命酒燒燈日初夕自言願一當
匈奴不數吾家程不識尋常未遇有心人十二恥為無
賴賊論交一諾身可捐結士千金貧豈惜上馬飛拈金
僕姑下馬立操銀不律談笑何論萬戶侯指橋定走
千人敵我壯君言醜一危四座聞之皆辟易雲飛雨散
宵難期屈指星霜幾回擲嗣傳日卒歷朝鮮遼海
羽書飛絡繹王師卜第事東征妙算何人參石畫程
生請纓詣闕下一日非常賜顏色歸來椎牛宴故人
材官將酒兒行炙車前虎旅羅千將帳外牙旌光
燭絕姓名已怖日南王樓船直抵占城國惜哉水口

隋去令圖壯士于今淚沾臆翻笑侏儒飽一囊依舊相如
塵四壁從軍猶自向炎方醉裡雄心何岷嶴寧傲灘
江百尺樓夜半唾壺欹伏樞伊予抱膝東海頭方外
時通紫烟客自愛冥鴻不可招漫教腐鼠空相嚇憐
君千里飛尺書把讀風前意悵顧我形容異舊時聞
君英既還時昔吾聞海運待扶搖六月天池方一息
且匣神鋒莫輕軼評不爾善刀藏亦得丈夫遇合遇會有時
莫歎笑人殊寂寂乘時還欲擣龍堆志士豈能忘馬
革聖主開邊憶舊臣勒銘待洗臯蘭石汲古堂集本卷十一

寄趙常吉中秘

金門傲吏趙王孫垂白譚兵俠氣存拓彈平明飛帝
苑刀環殘夜禁侯門屢求斬馬非沽直不賣盧龍
是報恩時倭奴壓朝鮮乞內屬中秘屢疏大司馬主封諫國散盡千金空四
壁秋風蕭瑟卧文園汲古堂集本卷十七

邱雨川先生傳

雨川邱先生名一龍字義瑞世為沙園所百戶先生生
有異質七八歲時聞帝井人唱樂府小說輒能默記雖
累千餘言不失一字父故貧不聽就外傳時提其耳命
之曰兒故將家子識字父展能記姓氏而已安用兀兀作
老博士耶先生性嗜抱不自檢束日逐少年握稍走馬或

壁子弦作霹靂聲招搖江市中間被酒起自填小詞
令所狎輩合弦索而歌日相樂為常也及長始折節
讀書一入目即能成誦稍涉獵又不肯竟讀以其地易
為雄長年間操筆為詩歌輒立就而意氣激昂才
力矯捷滾累數百言不竭及弱冠襲世官乃發
古名將陳圖方略問一究心每誦一過輒酹一航船至
醉即箕踞放歌噓聲入霄漢旁若無人者時瀕海
中倭所在倣擾東吳定山袁公以部使者飭兵甌括
先生以禪校隸中堅先生修軀濶步深目高鼻面骨
嶮削踉蹌行性滑稽通脫每遇嘲諷無不人之冠

纓絕時袁公未之奇也頃倭艦乘風猝至樂成安固
諸處勢張甚張參將邀袁公於師寧村公將發亟
命飯糗食人倉猝甫及席飯西復於地公色動左右皆
股栗先生歷階跪而請曰公萬福已拾食器而起曰且
喜金甌無缺袁公色喜左右歡呼稱萬歲公即趣
駕行是夕倭亦失利去蓋先生之敏給往類如此公亦
稍聞先生能詩歌間命奏一篇未嘗不潏然稱善也
時沿海寇舶出沒披猖遠近震駭迫報沓至諸將
領日集戟門下議戰守策或唯或否首鼠兩端先生
時闌入抵掌陳說仰指天而頰畫地語刺若燭照

指計衆皆目攝之尋先生去喟嘆又宿將不直之曰咄
嗟豎子酒徒耳何足策成敗事奚以喋喋為居無何
而先生所論畫皆中的於是衆始知先生非果於忘世者
云 汲古堂集
云 卷二十六

聞李汝藩冊封日本寄之

聞汝飄汎海烟詔書八月定傳宣夷王冠冕通天
外使者樓船繫日遶烏射扶桑弓獨挂龍行島樹
節旌又懸須教弁服夙應變西向毋容再控弦
俞安期
琴閣全集
卷三十三

送夏黃門元甫之流虬序

本朝度越千古臣所未臣澤南洽而威北遠矣頃以北
虜之黠詘體受封散繒帛塞下荷首而去一二邊圉
之臣申約束嚴斥堠歲以為常朝廷晏然不知蓋未
有邀寵沐恩命金闈之彥動樓船之衆如此其隆重
者夫流虬額在海外東南一隅不足以當漢一大縣非
利其貢賦之饒也又非慮其擾邊境為中國之憂而始
用羈縻之聽其請也特憐其一念嚮風慕義之誠恪
守臣節蓋二百五十餘年于茲矣云 高皇帝武節
浙所在獻琛獨以倭夷之反覆不情也却其來計以為
倭介在海東左流虬而右朝鮮利船一帶聲息相聞

是故帶礪兩國以擣捕其山川褒寵二王以款動其天
性二百餘年海內安瀾鯨波不興孰非帝力耶自東南
之海防加密睥睨者不得生心遂竭力而困朝鮮朝鮮
之告急也天子為遣大將發軍興費不貲海內騷動倭
故与流虬通以我行人覬彼虛實老成謀國意深遠矣
夫古之個儻非常之士顛立功異域以自效者不可勝數
樓蘭月支斬首獻捷代不之人我非車激天幸盛明之
世雖欲請纓亡繇路今以中山之役泛博望之槎布司馬
之檄可不謂非壯遊哉

謝廷諒薄游
云草卷十七

胡孟弢墓志銘

豫章先哲以道術鳴即間習詞賦非好也乃孟弢氏虛
起諸生中多長者游云倭躡朝鮮樞臣失策聽奸
邪主蘇議君抗疏請斬議蘇者而又諫勿多遣監軍
多衆不輯也勿多增摠帥增戰不力也其後朝鮮報
至果以將領不蘇互相攻訐激上怒深一日而罷督府
及宰臣皆辜權不一之過也云論事炳先幾類如此
薄游草卷
二十二

蘇堂公前祈雨致齋之作

不須圭璧玉薦明神修德弭災事可循孝婦平反寬作
釋忠臣逮繫枉宜伸

先是曹侍御言倭奴不當
封觸怒繫獄八年矣沃心

傳野成甘露剪髮桑林表至仁計日回天歸省闈
經綸密勿際亨此

薄游草
卷十

陳家心行囊中千里鏡其先人海士先生日卒携歸
物也鑄人為家心作詩余亦成咏

玩好區々也宿緣伴他書畫米家船青氈等是囊中
物碧海猶未骨已仙袖底雲烟京縮地壺中日月自長
天先人手澤須珍重夙樹驚心我亦然

諸華香處
詩集卷七

販自日本

琉球 順治八年九月賜琉球國勅諭十年六月琉球國
中國王世子尚質朝貢使至繳前明勅印十月七月遣給

事中張學禮行人王瑛賚勅印封為王以舟艦未具留
閩四載十五年六月徹還十八年以出使稅旨屏奪學禮等
職康熙九年復命學禮等以京官往封三年七月使還
康熙九年琉球遣使嗎諾吻薩喇噠噠等表貢方
物國王像圖金珀書箱珊瑚樹大玻璃鏡各一椀琉
球為東海小國四面皆濱海南北約三千餘里所產惟蕉
布硫磺其刀扇漆器等物皆販自日本王府供米麥
民皆食番苗如狀類薯蕷宴會以間樸士大夫家多蓄
書四書唐詩通鑑俱有翻板旁譯國語人名有四五字
者阿彌多夜弗蘓二名居多他如金曰額膩銀曰喀難

大曰倭捕煞小曰彌煞父母曰倭牙男曰會耕噶女曰會
南宮飯曰安班酒曰薩凡俱不可通曉自唐宋至元其
王之長子應襲爵者俱遣至中國入國子監俟其父
薨始歸國受封至明洪熙時憫其徃來風波驚險不
測特免之賜三十六姓人教三十六島世襲通使之職習
中國語言文字至今請封謝恩朝貢皆諸姓後有姓名可
通土官則有名無姓也取士舉賢良方正由秀才歷法司
法嚴峻不徇私情即職官之父兄子弟不少寬貸道不
拾遺夜不閉戶饒有古風男女婚嫁後束一髻於額簪
小如意以金銀分差等衣服敞袖長袍皮鞋腰繫錦

緞長文飾冠用紙胎以綾絹布圍裹分差等樂有走
馬舞劍刺鎗踴毬諸戲重陽節竟渡龍潭金鼓震
地他如石筍巖勒馬巖龍岡虎萃長虹橋曼湖松嶺
俱稱名勝通使船形如梭用鐵力木凡三層濶二丈二尺
長十八丈高二丈三尺桅高十八丈裹以鐵船尾設戰臺
鋪石列砲所經海道由閩安鎮厝猴嶼梅花所出海
口由白洋入大洋有白水一線橫亘南北為分水洋又歷
糖洋尤家埠此地北連日本東連弱水洋伊藍埠至溫鎮抵琉球
境從那霸港入中山王城此給諫張君等所經之道風
濤變幻棲泊無定所使回時復與前所經之道不同

重遊興隆庵

余少過庵見西域僧狀貌甚奇
池生千葉蓮今已烏有

嬉游從皂蓋曾到白雲天僧現維摩相門迎日奔

船案猶存貝葉鉢已失青蓮垂老瞿曇云在相看意

惘然

梁清標蕉林
詩集五言律三

倭寇突犯常鎮

一復開孟瀆河照得清復練湖誠漕運要務而孟瀆河

不開亦為缺典云但因嘉靖三十二等年倭寇突犯常

鎮有司始將此河緊要去處築壩堵塞以斷其入寇之

路日積月累遂至此河淤墊而糧運商賈之船不復經

行矣

黎世序練湖志卷三陳世壽
請復練湖後孟瀆疏

人被倭奴剽殺

去郊店數里鄉人種李一株往黨實頗繁碩甲子歲忽大

如瓜剖之中或空心或細核晶系蓋復遭水患李為呈異

也考史冊元至正十六年夏六月彰德李實如瓜時童謡云

李生黃瓜民皆無家又明正德十四年三月安慶結李如

瓜其味甜其長尺四月大水傷稼嘉靖三十年象山縣李樹

生玉瓜已而人被倭奴剽殺誰謂草木之無知

諸聯明齋
小識卷七

李實如
瓜條

倭寇肆掠

廟祀楊侯在南門外前明嘉靖年間倭寇肆掠村人惶
恐群躲入廟倭兵追至忽見神像起立懼而逸去一村感
神佑遂糾社祭賽至今社猶不廢聞神像塑時暗藏
發機誤踏者像即行動今因改塑弗復示異

明齋小識卷十

詣日本國

槎溪張姓習弗往閩東貿易已已渡海颶風迅起柁
檣齊折隨風飄颺時日方中天忽黯黯車轉亟匍匐聲
聒耳長年大恐抱燠至舵樓下取繩沈水稽深淺盡船
中繩未及底持杓挹水如墨汁咸謂鄴沈荒島無望生

還歷久復得暢朗漸睹城郭倏而下碇岸上驚怪鎔稍
畢舉乃泊中央譟以語言語不達彼此艷艷相對殆而
重舌未可知詣日本國彼亦知中原賈舶觀者靡然鄉風
觀艙貯瓜子指而求索与升斗搖手弗受撮授百粒
欣忭捧去問昏黑何地亦云未悉住及其春國王知之謂非
羈何忌用三千金買堅桅鑄兩巨錨各重四百斤又視
柁帆繚艫之缺者代為備一昇送令人護引得便
道還章堰洪氏與張舊誼時聆海外談

明齋小識卷十七一飄洋條

丹水所撰算書現在日本國

自幼即聞古之遠人文士靡不好撈嚴者今生四十年蒙先

生教以寓目初見似奇再玩之覺甚平之六經即宋儒
語錄耳宋儒講學有意為深微標嚴談禪有心為
高妙其大旨^{在曲引}旁証敷衍成章平易處忽生峯
曲到喫緊處仍不說明非故為^度詞即亂以番語以
便再申文義重起波瀾不知若聽悟人觀一波便知再
一波萬千波之不過爾之徐騎省以為如一桶水傾出後
復傾入一桶中了無義我意可謂道破機關以僕揣之
大概六朝人偽撰故西域轉無此書猶之再求所撰算
書現在日本國不在中華也吾儒六經大都言情紀事
無空談者惟周易一書圓通廣大馮虛而立然六十四

卦中何嘗不指物陳象暢所欲言從無贅詞複筆方知
周孔之教終非如未能夢見司馬文正曰其微言不能
出吾書信矣先生禮樂論粹然儒者之言其妙處在發
前人之所未發魚門之病在有心作有關係文字而不免
依傍附會由其識力未到故也馳此種文字以救之當

必有進

袁枚小倉山房尺牘卷一與
程綿莊論揚嚴經

倭人貢鬯草

補曰金云書洛誥周公曰俾來茲殷乃命寧予以秬鬯二白曰明
禮拜手稽首休享論衡儒增篇曰周時天下太平越裳獻
白雉倭人貢鬯草

孫志祖文選卷十注
補正卷四

白樂天集宋濂集

日本有白樂天集亦有宋濂集

陳繼儒偃曝談餘卷下

不娶同姓

日本婚嫁不娶同姓

同上

倭廂倭几

余於項玄度家見官窰人面杯哥窰山枝鉗哥窰八角把
杯又哥窰乳爐又白玉蓮花臉脂盒又白玉魚盒又倭廂

倭几

陳繼儒妮古錄卷一

終

